

DATORREN URTEKO MARTXOAREN 29AN ABIATUKO DA, GASTEIZTIK, ETA APIRILAREN 8AN AMAITUKO DA, BAIONAN

‘Mundu bat euskarara bildu’ nahi du AEK-k Korrika 12ren bidez

■ Nafarroako eta Ipar Euskal Herriko ikasguak sustatu nahi ditu ekitaldi honek, Korrika 12ko arduradunen hitzetan

■ «Ez gaude itxiak, ez beste hizkuntza ez beste kulturei, baina guk geurea den horretatik egin nahi ditugu gure ekarpenak»

■ Bertsolaritza eta, haren bultzatzaile gisa, Bertsozale Elkarteak omenduko ditu datorren urteko Korrikak

I. Petxarroman / Donostia

EUSKAL gizarte, kultura eta euskalgintzako pertsona ezagun ugari esku hartu zuten atzo Korrika 12ren aurkezpen ekitaldian, Donostiako Londres hotelean. Lehen Korrika egin zeneko 20. urteurrenaren harian antolatutako ekitaldian, Korrikaren ekitaldietan omendu dituzten edo lagundu duten pertsonak izan ziren.

Besteak beste, ekitaldian izan ziren Mikel Laboa kantaria, Gozategi anai-arrebak, Joseba Tapia, Fermin eta Iñigo Muguruza musikariak, Juan Gorriti eskultorea, Imanol Lazkano Bertsozale Elkarteko lehendakaria, Iñaki Uria eta Martxelo Otamendi EGUNKARIAko ordezkariak, Joan Mari Torrealdei *Jakin* aldizkariako zuzendaria, Joanmari Larrarte Kontseiluko lehendakaria, Pedro Miguel Etxenike fisikaria, Eli Galdos Gipuzkoako diputatu nagusi izandakoa, Ramon Labaien Donostiako alkate izandakoa, Jose Mari Satrustegi euskaltzaina eta beste hainbat.

Guztiek era bateko edo besteko harremana izan dute Korrikarekin, eta denei eskertu zien Xabier Ugalde Korrika 12ko arduradunak atzo aurkezpena agertu izana. «Are gehiago kontuan hartuta AEK-k une latzak bizi dituela, eta une latzotan elkartasuna eta hurbiltasunaren beroa eskergarriagoak direla», azaldu zuen, Baltasar Garzon epaileak AEKren aurka kaleratu berri duen autoa gogora ekarritik.

Datorren urteko martxoaren 29an abiatuko da Korrika 12, Gasteiztik, eta apirilaren 8an amaituko da, Baionan. Euskararen aldeko kontzientzia suspertzeko betiko helburuaz gain, aurtengo Korrikak badu helburu zehatzagorik ere, Ugaldek azaldu zuenez: «Nafarroako eta Ipar



EDURNE KOCH

Korrika 12ren aurkezpena, atzo. Mahaian eserita (ezkerretik hasita): Mikel Laboa, Pedro Miguel Etxenike, Urtza Errazti, Jose Mari Satrustegi, Xabier Ugalde, Eli Galdos, Imanol Lazkano eta Ramon Labaien.

Omendua, Bertsozale Elkarteak

■ DATORREN urteko Korrikak bertsolaritza omenduko du. Xabier Ugalde Korrika 12ko arduradunak atzo adierazi zuenez, Korrikak azpimarratu nahi du kultura guztiek munduko kultura globalari «egin beharreko ekarpenaren garrantzia». «Horregatik, zer egokiago Korrika honek bertsolaritza, euskal kulturaren alderdi berezi eta harrigarria, omentzea baino?». Izan ere, Korrikako ardu-

radunak azaldu zuenez, bertsolaritzak badu ezaguerri «garrantzitsu bat», Korrika 12ren espiritua- rekin «ezin hobeto uztartzen dena»: «Bertsolaritzak jakin izan du aro modernoaren beharretara egokitzen bere sustraiei uko egin gabe».

Ildo horretan, Euskal Herriko Bertsozale Elkarteak hautatu dute, «bertsozaletasuna bultzatzen ondo baino hobeto dabilen elkarteak».

Globalizazioaren arriskuak

Xabier Ugaldek datorren urteko ekitaldiko leloa eta haren zergatiak azaldu zituen. *Mundu bat euskarara*

Berrikuntza ugari

■ KORRIKA 12-k izango dituen berrikuntzen berri ere eman zuen atzo ekitaldiko arduradun Xabier Ugalde AEK-ko kideak. Besteak beste, korrika kultural zabala, eta korrika kanta aipatu zituen. Kanta Fermin Muguruza musikari irundarrak egin du, eta jadanik katean da, eskuragai. Kantaren bideo-klipa ere egin dute. Horretaz gain, Korrikaren berri lau haizetara zabaltzeko webgu-

ne bat izango da (www.korrika.org), eta egun batzuk barru kontsultatzeko moduan izango da. Korrika Txikirako unitate didaktikoa izango da beste berrikuntzetako bat; ikastetxe guztietara zabalduko dute.

Korrika martxoaren 29an abiatuko da, Gasteiztik, eta Baionan amaituko da. Ipar Euskal Herriko mugimendu euskaltzaleari sustengua azaldu nahi dio horrela Korrikak.

bildu da datorren urteko Korrikaren mezua. Ugalderen hitzetan, globalizazioak «inoiz baino arrisku handiagoan» jarri ditu munduko hainbat hizkuntza eta kultura. «Euskara, euskaldunon

hizkuntza, munduko herritar guztion ondarea da, eta aberastasun horri elkarrekin eutsi behar diogu». Hala, denon ahalegina eskatu zuen horretarako: «Agintariena, beharrezko legedia ezarritik;

Euskal Herriko ikasguak sustatu nahi ditu bereziki, eta, horrekin batera, Baionan euskaltegi eta herrialdeko egitura kokatzeko egoitza zabaltzeko bitartekoak eskuratu».